

鹿

裴

石

室

集

鹿裘石室集卷第十三

宣城梅鼎祚禹金著

詩

五言律

少師相公枉過虎丘同敬中庫部伯仲諸
君坐月並貺高篇恭酬五首

謝公朝列日雅尚寄東山况賜歸休後多遊
寥廓間城霞升月表澗雪湛秋顏自覺維舟好
雙林信宿還

周易存疑卷之三
其二

選勝因懷古何年霸跡銷石華生海月劍氣振
巖厓大火流西候中台直北朝松枝侍塵尾名
理出逍遙

其三

凌風下青雀言覓孝廉舟玉樹清相倚金波澹
不流祇林從換臘澤國最宜秋歌吹徒繁奏琴
尊卜夜遊

其四

暫偃擎天手長留出世心
枮榆尋故社泉石在初襟
襍坐容緇素憑空發嘯吟
但餘真氣滿併與佛光臨

其五

瞻依三象切浩蕩五湖新
山澤雖成癖安危尚繫身
乘黃虛入漢太白正占秦
未信斯丘樂經綸一老臣

可中亭坐月

山意此時見天心孤月輝
樓臺歸佛照竹栢儼

神威潤浥波文細清含石氣微生公何法說併
與點頭非

湖上携伎內涼

五湖天渺渺一曲試來臨波淨旋生爽城危易
得陰黛蛾承月寫畫鷁受風侵更進前川好兼
葭思轉深

寒山寺同劉子威侍御張九卿刺史曹汝
爲明府毛豹孫汪子建錢功甫陳于始程

遠心托人境舊社有僧期帆影依橋落鐘聲出
寺遲晚煙散漁火涼月蔭禪枝青竹題詩去重
來記此時

送程兆周赴鳳陽朱帥之約因同北上

芒碭真人起春陵王氣明中軍由說禮上客善
談兵不用長裾曳時看短槊橫秋風從宿衛載
筆賦西京

虎丘樓居

樓居窮靄間長夏恣高閒日淺傾崖樹雲移度

檻山去人從禁足近佛自修顏尚媿生公石聞禪卽解頑

劍池逢季豹問諸兄弟輩

幽燕空躑躅江海復流連久客相逢處吳王古墓前劍花重繡壁爐茗細生煙竹篠東頭約能無記往年

夏夜陳公衡明府招集張幼于曲水園卽

席送子卿孝廉歸閩

今客何能重琴尊此共娛清華凝水石涼氣進

菰蒲乍合衝星劍俱懷照夜珠片雲瞻海嶠相
與贈文無

上元後病起

孤枕臨春伏華燈映雨懸元宵祠太乙七日夢
鈞天爪幕觀時變魂營徹曙偏杖藜今在手猶
及早梅前

其二

誰了無涯智悠悠盡小年未追松子去頗得藥
師憐攝病神應王占衰髮有宣平生雖學易內

省尚多讐

夜臥懷溪上春事

殘病留堅臥蕭然無所營
張燈廻夜色聞角識春聲
柳約風抽綠波泓雨濯清林
夫興不淺單艇待經行

樓雪

雨積苦經旬雪飛驚早春
餘寒能次骨遲暮獨傷神
影覺色身幻光扶病眼新
梅花先寄語長笛倚樓人

樓霽

春霽原稀值兼乘雨雪殘樓陰斜破曉江日淡
凝寒宿草驚魂醒饑禽得食歡隨時有消息獨
向靜中看

復陰

春來太無賴彌月半多陰久病漸成癖繁憂更
不任雲蒸衣暗潤風駛榻移深花信知遲早愁
霖尚自今

復雨

漠漠煙常合涔涔雨復來朝光寒自薄暝色午
先催行藥味多歷攀楊葉倦開歌聲出金石桑
戶有餘哀

開飲

格鎧常在眼茲際始濡唇勝地從他引形神稍
共親燕閒增日景薄醉見天眞墐戶春何入苔
華照雨新

有生

有生都莽莽凡物自芸芸禪觀曾無亥玄超故

不羣珠光承月現香氣逆風聞夙好獨難盡微
因米汁醺

午見書格中遊蜂成詠

春凍閟春妍遊蜂得氣先舊衙隨午散新牖挾
風穿蜜翅黃初粲花鬢紫待嫣自憐鑽故紙知
爾出驢年

慢世

年少未容窺深惟靜者宜羣言希塞兌我意任
支離機象寧無兆暄涼竊自私終應賞高潔慢

周易石室集 卷二十一
世擬何爲

送景靈兄應貢北上因寄泰符

可堪多病後何限送君情遼海勤東討燕雲護
北征艱難方國步顧盼總時英經世知懷略非
因獻賦名

其二

三千勞簡牘四十豈蹉跎自附青雲士誰徵白
水歌秋鴻歸碣石春草渡黃河不少上林樹連
枝憶舊柯

萬堦過宿有感

舊館猶堪授新衣不厭裁子從稱玉潤我自念
蘭摧照酒春星冷啼花夜壑哀由來雙鳳舉平

古一秦臺

四月朔日病起詣廣敎訪棲霞通公

孟夏滔滔至開壇草木長靈機先象帝病色戀
鑾王黃葉三生案青蓮一瓣香吾將持衆問相
對嗒焉忘

夏日通師澤公秀公輩過草堂

周易石室集卷十三
到門惟錫杖幽興適相同牒繞殘雲外江深積
雨中烹葵餐綠淨題竹倚青蔥大地銷炎熱冷
然有惠風

泰符北還過城邸與子馬夜集

世事久方見鄉聞近屢更愛憎一何可浮沒出
交情在客每憐汝初歸得傍兄年來惟濁酒可
以托平生

其二

已拙謀生計仍傳浪死聲鏡花窺色相庭樹感

銷榮霜晚寒塗屋霞朝霽徹城敬亭新入眼高
鳥去邊明

夜寒起坐

淒切不成寐披衣坐漏窮星河斜入戶霜月皎
臨空歲晏蟲歸蟻天長雁逐鴻一宵懷百種誰
謂我無胷

閩人朱憲昌見過

朱有數喪未舉

短刺仍自滅長鬚空爾垂買山不成隱修墓更
銜悲久客減閩語遠遊依楚辭此中谿百尺聊

可與忘機

濱勘吉祥菴追憶開山珍公示弟子仁秀
東渡仍南徙臨壕偶結團風心任輪轉天眼遍
流觀雙樹開林遠千花向塔安二三行道侶誦
呪尚圍壇

贈孫子真

有序

子真遊宛上寫余真見者絕倒其歸海陽余
行而南爲秋中之約是日子真誕辰也迫留
之因要謝于楚羅子昭卽玄白堂壽焉子真

與吳山人方尋盟五嶽又嘗于莫愁湖頭復
君家叅軍楚酒樓並各有詩

相留卽相壽同里復同遊五嶽羣真府重湖一
酒樓寫余置丘壑待汝及涼秋艇子還雙繫招
搖向莫愁

向來三首客鷺峯作因簡陳考功徐庫部

是秋二月予試不果

北上苦無資南行非有期浮生亦何極真我竟
誰知伏驥空餘志聞雞已後時向來薄箕賴今

重古人思

其二

舊刹懷前跡頻年習漫游樹高僧界臘江老
帝城秋名理能延勝聲聞惜尚留向來安魯俗
寧怪賤家丘

其三

歲時殊莽宕精力漸銷磨戰勝紛華少時危感
慨多清淮遺古渡白露下殘柯寥廓向來意無
勞設尉羅

天界萬松菴同詹浴之太常徐重夫鴻臚

惟仁庫部過集

城南寶地臨丘壑入門深鐘午沉幽梵松涼落
古陰玄言張聖諦濁酒托予心累劫知曾歷燈
傳直到今

余靈承試畢贊如廣陵有詩先投答之

相值總羈離君仍何所之桃根淮水曲桂樹小
山辭長鬢頻占歲修眉定合時渡江知早晚已
有碧雲期

月

月奈此宵何秦淮羈思多影移籠玉樹光仄委
金波幽怨誰家邃嬌歡踢地歌薄帷一此鑒秋
夢落雙蛾

長干恩大師五十四首有序

大師道弘白下胄衍黃童金繩引則覺路開
寶鏡懸而昏衢徹况復旁該載籍獨擅謳吟
旣叶梵竺之官商且樹藝林之標幟故嘗名
騰禁屐晉頒稻帔之衣供出天厨豐饗桑

蒲之饌蓋南朝四百八十寺莫顯於長干東
土三千大千教總持上座是月也五旬高臘
方瑞應於恒星重九嘉名正律中於無射冠
紳共縉徒輻輳茱菊與蘋葛芬榮莫不祝慧
日其常輝望慈雲之廣潤而都城善知識施
君湛連輩宿籤小品深沐大悲以予鼎祚叅
白社之同風忝玄門之末植介攝山通公屬
申半偈仰點妙音雖功德如山不可思議在
羣生初地咸喜欽揚付法傳心敢異拈花微

笑有情無種願說因果還生

自証無生果常尊不壞身日方開振旦天借度
迷津優鉢華千供田依樹萬春僧祇何用記高
臘始微塵

其二

應期敷衆侶護法重人王刹瑟揚幡遠兜羅
賜錦香智光齊日月攻勢讓金湯五色花仍雨
長千古道場

其三

雪浪還天闕
耆闔是處峯古禪
參怖虎新義疏稱龍屢照寧疲鏡微機漸斂鋒諸方懷佛性米白付誰春

其四

鷺嶺崇文藻
魚山感梵天
陵迦聲共妙獅子吼
能傳秘密曾抽藏
圓通不縛禪向無非可想五
十信行年

酒醒

夕雨復宵風
單眠夢易窮
酒醒燈焰裏
秋減葉

聲中掩骭衣仍短，纏腰帶漸豐。自非儂與汝，持
意向誰工。

送陳柴中遊天台

雙閣中天路窮探勝未涯。城霞初日綺，洞雪隔
年花賦就。金堪擲，耕深玉漸芽。人間小游戲，且
莫飮胡麻。

今宵

歸程難自信。寒氣漸多嚴。雪爪鴻留印。簷聲雀
改占。空江流不極。一雨坐相淹。漏永將愁積。今

宵夢轉添

閔壽卿久住金山一漚菴偶逢都市戲贈
巖處猶嫌俗中流寄一漚何爲紫煙客亦作黃
塵游語契霞心賞生從地肺浮鑪金知鍊就買
醉秣陵秋

江寧鎮書謝氏壁

有序

余去來金陵屢宿謝店主人最相周旋也今
復過此則主人云亡余往題詩亦漶漫不存
矣感而賦之

幾度曾來宿題詩白板扉行光郵客過舊識主人非懸榻塵多積棲梁燕早歸衝寒又西去霜色照征人

送謝于楚自宣城還新都小婦方生子見客

黃山先宅在容易去青山隣壤風相及行雲暮亦還苦吟妨瘦骨秀色療饑顏遺井徵流寓躋

君謝李間

其二

歲宴歸心逼山程雨雪殘治生吾輩拙游道古
來難轉慕金丹術新攀玉樹歡綿袍雖戀戀無
解故人寒

送徐翁仍偕計北上

風起圖南翼雲開望北心冰霜餘歲色梅柳動
春吟海日蓬萊映宸霄象緯臨榆枋亦自適君
豈念同林

送郡幕陳甫田遷周藩還汝

趨府空懸綬何門更曳裾宦情吳水澹歸夢嶽

雲疎舊產兄爲減新詩衆不如但休汝上騎月
旦定逾初

初秋移先姬殯

忽忽十三春難令夜壑晨哀蟬持獨聽蓐蟻向
何親測景圭頻徙來遲步已塵孫枝長庭樹攀
望轉含辛

爽塏堂問泰符病留集

爽塏來堪憇寒暄意轉長雞豚重入社禾黍正
登塲酒布蘭生味爐吹藥氣香諸緣知漸減應

獨戀醫王

送從弟子馬赴選北上五首

暫別且多戀況今成遠行低眉羈旅色握手弟
兄情寒氣渡江早榮光望關生已知詞賦賤
無用論都名

其二

有家因俠廢此出爲貧驅薄祿耕堪代微官法
所拘頭銜轅下伏手板府中趨渌水芙蓉麗元
僚選獨殊

其三

紫槽如玉女，綠幘賣珠兒。
精態從師授，姪姬蕩客思。
由來行樂地，今豈冶遊時。
莫以身爲壑，徒供一笑資。

其四

酒人與劒客，市久散荆高。
擁篲風斯邈，懸金意昔勞。
蒯綵宜自惜，齊瑟慎輕操。
王謝門風在，終當異若曹。

其五

捧檄應隨地皇輿戴斗杓無令公喜怒但起郡
謳謠裘馬童心減琴尊壯與消倘能傳此信吾
醉更陶陶

九月望夜同羅子昭秀土人訪對亭澤公
園中

一叩雙趺處孤峯古月懸髻珠常自照心鏡本
來圓香逆風從觸鐘清夜迥傳座頭茶作供參
得趙州禪

寄咸寧孟義甫給諫

批鱗懷昨事驅犢獲餘生臣力絲毫盡
羽翼成朝恩寬楚法察選重周楨姓字題屏久
將應軫 聖情

其二

爲役時雖淺投交意漸親出關余逐客伏闕爾
累臣鶴禁威儀舊鷗波氣象新清朝寬楚法何
詎弔靈均

春夜與錫余弟飲憶秦符

接座聊餘汝亡琴併與俱空花非有蒂荆樹不

同株囊罄仍逋積枮深乍痛蘇臨春自多夢來
亦只須臾

寒食郊行傷春符

濡露深淹歲遺風眇禁煙詎知東峙嶽早逐下
流泉杏酪仍供節榆錢不買年春來獨芳草能
使客心憐

閨中秋夜同章甫季方叔再泛城東

此地復此夕蕩舟仍有人天清江匹練秋閨月
重輪桂影前期滿珠光後夜新泛深涼漸進淒

居業齋集卷之三
三
吹起青蘋

秋晚同李用父濮仲孺登閣

雅有臨高興因君一爲開清秋平楚盡落日遠
山來點點煙中艇層層雨外臺東籬菊新蕊已
醉復遲回

至前送馬醫再之湖陰

雖近閉關日舊游非遠鄉散傳青餌秘人識白
眉良沴氣驚冬潦羈魂戒曉霜來期春與約藥
草幾枝長

穀日雨飲金子方鄒世根

對客能深語爲農自宿心參星初卜歲穀日已成淫望杏催春作探梅動曉陰有田多種秫先約酒頻斟

春前雪霽宛上眺望

霽望極前津寒圭届末旬雪光陰外曙雲物斗邊春婉婉凌將解芬蘊氣欲新爲憐花與葉含意待游人

曹以新自婁東移郡清嘉坊寄贈三首因

懷二王公

五湖浮未去一畝闢旋通爽塏方茲日清嘉本
舊風魚鹽安市隱蟬稻祝年豐此地憐堪卜相
期覓數弓

其二

信美猶吾土何煩更買山菟裘營老計鶴徑夢
秋閒憤著潛夫論貧留壯士顏依然棲谷口名
姓落人間

其三

曹丘誠長者輔嗣得賢甥馬策西州路鶯花亞
字城平生無長物獨往有深情儻憶三弇色浮
家一華輕

經采石登太白樓

自識遵南路時來登此樓興頽凡累閑江漢鎮
長流驅影千林午樵風五月秋潭回雖擇勝還
爲謫仙留

金陵市逢吳卜者袁生有贈

躍次周天度沈冥上肆情福疇徵五兆道籥管

三成玉柱探書秘金陵挾策行立談輕白璧
日坐皆傾

南都贈詹浴之荷卿

長安江左地尚璽殿中郎諫草曾停輦朝衣更
賜香威儀南國舊劒履北辰傍清署吟多暇鍾
陵曉鬱蒼

冶城樓居

善病聊兼隱將歸復且留鐘陵蒼欲雨淮水素
殘秋行樂方窺戶聽松不下樓幸回俗客駕更

擬化人游

冶城宮俳詠

向傳師立靖虛擬客棲玄地冷金丹治房暄玳
瑁筵仙童攝小史鳳吹雜鶡弦未欲乘雲去中
山但醉眠

戊戌正月三日五十浪述

中年名五袞平世閱三朝栢葉春羸酒梅花雪
滿條所存傲骨健漸喜壯心銷食力平生分豐
耕荷帝堯

其二

恒言漸稱老，固極轉懷親。
尪弱惟餘我，提携得似人。
弄孫看幾歲，賀客避經旬。
未敢持觴祝，爲驩不及晨。

其三

遲日春陽轉，朝霞海色含。
綵縉裁少婦，梨栗覓癡男。
流景從羣適，違時亦久甘。
平安非偶爾，在坐罄餘酣。

其四

酒券能誰折書淫更莫痊貧何預吾事名恐向
人傳衰相已多現餘生但自憐惜陰先訓列亦
不在長年

其五

屠蘇應落後逢掖自來輕學易仍多過服官非
雅情鬚蒼饒艾色目鼈薄茗榮持此百年內冷
冷意獨清

早春同熊穉咸石卿弟洪村坐雨

苦雨吟方就看山約累申流泉將凍解雲氣逐

年新酒薄難成醉寒多不覺春白駒應自繫荒
野媿留賓

再宿洪村似穉咸

相對轉翛然孤村宿晚煙雨聲殘枕外寒夢落
燈前芳意開春淺遊心遠岫懸知君有真氣吾
亦欲棲玄

獅巖同熊穉咸宿龍谷寺

蒼翠點煙鬟高居掩靄間松釵廻拾磴筍石護
臨關龍影窺深谷禽言變別山平生期海岳此

地始追攀

其二

東巖獅吼座西竺鶩頭峯九子俱成果諸僧悟
種松時時聞講肆步步惜游蹤隨意能淹汝空
堂幾夜鐘

送潘別駕赴隴西郡初與余同薦

渭水經天直秦關控隴長佩刀公輔器駟鐵戰
爭場大吏分乘障諸軍重饋糧創夷聞乍起且
莫事開疆

其二

葦樹參雲綠胡雲蕩日黃金城聯右臂玉斧畫
西羌應借籌從箸終知穎脫囊向來曾並駕今
獨讓騰驤

送劉震仲丞山陰

手版時趨府山陰道上行衆稱堪吏隱君豈負
丞名巖壑勞相應琴書暇獨清簷金知不羨越
酒最關情

新正五日集王季宣使君郡齋同長公子

昭文方子謙沈士範唐君平

碧嶂遙分黛丹樓宛若霞蓂初占幾莢梅已到
疎花艾夜心諧賞標春物漸華新年發新詠只
合向君誇

其二

署清餘暇日地迥得先春問俗歌豐樂爲期洽
隱淪官厨餐郡水海錯出家珍禮法能相假酣
情一任真

其三

風至蘭生溢春來柳末青每容中聖酒已奏聚
賢星奇字參滂喜玄言入窈冥高城眺平楚結
構擬亭亭

時子謙出韻會小補而公方戒起又玄齋

送方子謙赴楚從李本寧參知入蜀

由來稱國手不獨奕超羣信美淹荆土高名御
李君溪花春待浣陌草暖初薰儻作如邛客琴
心莫浪聞

宛上送屠田叔赴辰州守

自閩醞遷時方有攝之役

相思結柳帶相送見楊花海灑霜飛暑谿留月

印沙妙天搜酉典仙郡乞辰砂佩犧消夷俗耕
桑學漢家

其二

畫熊尊郡長槃瓠笑溪蠻徵發隣方急羈縻政
在寬模山常渴雨炎瘴遠回寒能賦因游楚湘
沅寄折蘭

鹿裘石室集卷第十三終

鹿裘石室集卷第十四

宣城梅鼎祚禹金著

詩

五言律

野采小酌

肉食將無累藜羹久自安盈筐勤采擷據石暫盤桓老大終勞力兒孫且盡歡羶腥儻能免止酒尚應難

天逸閣携賈三送丘黃逸還金陵得年字

高臺望不極芳樹坐堪憐久客夏雲變思歸暮
雨懸白門垂柳日碧玉破瓜年麗質臨清景翻
令戀別筵

寄子馬弟遷寧鄉簿

佐邑仍三戶湘鄉秋意深知難迴舞袖諒不廢
題襟好米炊香遠新醅避濕侵莫嫌栖枳棘鸞
嘯有高音

送建寧叔聽徙之北寄客部叔

久負經時略猶然滯宦途勞人歷州郡交道感

蕭朱風送鵬南徙春隨雁北趨上林有琪樹花
萼喜同株

庚子初夏哭幼女淑四首先是辛卯春有
長女之哭又先壬午秋有弟耆之哭從

壠上還作

顛毛已如艾血眼復生花緩急知無益牽纏恨
有家百年聊後汝七歲枉呼爺窗閣提携處酸
風綠透紗

其二

禮佛希冥應求醫少禁方遽成金瓠誅難見玉
毫光逐姊歸長夜稱人蕙幾霜一坏相對處松
柏蔣山陽

其三

後果憑誰証空花倍獨馨韶顏嬌白皙慧性濯
清泠孤孽生從賤呻吟病久經百枯垂永訣雙
目尚餘青

其四

我生不利女更鮮弟兄親廿載三殤淚中年八

苦身鍾情在我輩不哭彼何人究竟應誰是虛

空一轉輪

金陵藏鶯館花燭詩贈潘稚恭分得江字
自並芙蓉蒂何勞更涉江畫蛾勾石黛蠟鳳帶
金缸更慢從新捲花營未易降莫愁南國女艇
子繫雙雙

其二

獨立能傾國長材本似江貯嬌金作屋醉客玉
爲缸夢雨霑羅薦升霞麗綺窗鴛鴦七十二

一列成雙

寓報恩禪房

金陵常在望寶地更重過仍住祇洹舍新脩窣
堵波塵心一蕭散梵語半多羅爲問亦烏後其
如隙駟何

寺雨

曲閣留人處長干選佛場鐘遙沉雨氣墻迴槧
秋光楓葉臨江赤苔花映壁蒼愁霖朝有詠夜
復聽浪浪

寺晴

將無天果漏俄爾霧全消樹影籠窗細禽聲出
谷騎客懷驩見日仙梵震聞潮徧作瑠璃界知
非覺路遙

吳長興季布招登翠雲醉後上敬亭西麓
虛閣成新構名山狎舊游携尊初薄霽著屐已
深秋雨宿嵐常護雲齊翠迸流淒清多遠思更
一陟高丘

汪原勺過園居懷焦賓王徐從道

畏客性逾僻因君眼乍明春留懸樹雨天爲惜
花晴上已仍新序中林有舊盟所思方在遠嗚
鳥正嚶嚶

春日懷季豹客游

春自還歸早君猶定省遲倚間勞望眼懸鏡待
勺眉賣賦聊供醉依人不貸饑故園花欲盡芳
草是前期

惜花三首

開謝緣時序欣嗟自世人餘寒深護曉漸老倍

憐春旖旎光爭媚離披意轉親昨傳風信遍歲
歲一番新

其二

幸未隨風舞猶能隔霧看直愁蟬掇去莫使鳥
嚙殘豔魄留依榦朱顏遲駐丹已知宜晝賞向
夕更憑闌

其三

種日原隨興看時似屬情色空俱不着離愛未
能輕散與霞同落虛防月共盈化工常在眼物

物有虧成

吳長輿移齋西樂集鎧公

特移香積供來作梵邦遊
習澹葵滋露連陰麥
養秋醍醐從酪出
湯乳見花浮
踢倒軍持後相邀老一丘

仲夏雨中赴汪原博榮期西樂齋會同吳長輿孫伯揆是日移泉試顧渚茶

頻遊得自在更托解樊籠紫筍泉香發黃梅雨
候通衆方參水月我亦悟旛風把臂入林去幽

懷寄阮公

五月七日伯揆招過西樂

蒲觴初解醒蒲饌復尋盟雪藕盤冰薦移蓮蓋
露傾鋒雲譚塵集凍雨祫綺輕但涉空門地塵
心自覺清

月邦自西樂移園居

移錫隨雲度披襟待晚涼偶然就同室一似別
叅方樓閣籠佳氣虛空發妙香階前多忍草無
意夢西堂

周易石室集卷之十四
坐雨書懷

宿因連棣萼今集蔭禪枝名句聊傳譯機緣且
待時林喧催雨驟臺迥怯風欹相對此長日翛
然無所爲

病後吳福生見過

索處關從下枯羸酒怯前秋雲眉宇澹空谷足
音傳竹柏清真地蒹葭白露天知君能辨樂吾
一理朱絃

送麻甥伯顧叅軍永昌

長揖參軍事文人向武威留妻代母養防虜密
戎機紫馬臨秋貢黃羊帶雪圍吾衰須藥物信
信莫教稀

其二

新鎮古涼州黃河繞塞流此行輕萬里爲別倍
三秋鄉味一杯酒邊城雙佩鉤閉關謝西域清
世斬封侯

卽事慰自恬上人

頭髓尚堪施鞭笞安足辭真如原自在假合有

成虧宿債須償却孤禪任所之共知逢末劫
必爲師悲

答唐于飛

我久坐詩窮君胡覓句工巧須穿月脇聖擬啟
天聰身賤名難借年遒誦或通尚期看跋跡千
里直追風

夏日蕪江王仲修閔泰叔項仲旭鮑士先
詹公鼎姪勉初携伎臨汎分得心字

多懷宜涉曠爽氣藉臨深青翰入榆袂芳林樹

列簪樽涼籠黛翠帆夕翼波陰垂老江臯遇難
酬解珮心

送張象先赴闕寄湯嘉賓太史

爛綵拜家慶輶車下里門依雲聊展望就日早
承恩曉漏朝趨肅宵鑪署直溫郎潛有深念
才異更需掄

其二

眇眇江之永春波壯陁門離心向何託古道賴
君存涉世防淮橋投言馥楚蓀景光宜自愛斟

酌此盈尊

其三

君方遊畫省客久隱金門羣彥俱先達貧交孰與敦東林禪住髮南浦別銷魂衿契能常合蜚沈詎足論

奉和全宮詹集高齋贈史府君

以奉分圭命因偕倚玉緣冠峰_棲槩日挹水飄騰烟吹律蕤賓候陳詩太史先琴尊合奏處三豐化胎僊

七夕送孫伯揆南游

將以醫行

長江湛湛清君得枕流名去值雙星會重含一
水情紅絲下涼吹白紵唱秋聲別隱金陵市壺
中日月生

新都程醫起麻北魚干宛復之留都

名家伯休父善世大醫王七日釣天奏千金海
藏方芝英授軒鼎木序祕真囊更御儂風去紅
雲指帝鄉

答溫陵謝修之博士

匹練引雙虹重來一謝公登臨還此日清發有
遺風物候梧飛碧鄉心荔擘紅芙蓉初上日名
勝擅江東

郊外送謝于宣游廣陵

山意敬亭晚濤聲揚子秋中年難作別後進得
名流稻蟹江鄉熟蕪螢古苑愁縱令吟桂樹慎
勿爲淹留

寄李季宣明府真州

二陵相望出君獨砥中流離夢十年老江光八

月秋種田餘舊秧走馬憶長楸眉嫵仍堪畫寧
教賦白頭

戊申獻歲六十誕辰移舟避客浪述十首
流覽開芳歲言遵宛句濱林回青冒雪水動渌
窺春物候何殊舊時情自競新偶然初把曆知
是六周旬

其二

無聞慙五十十載更逡巡里俗稀耆舊吾生耐
辱貧推遷憑世運爛熳見天真謝此雙溪水何

周易卷之三第十四
勞爲濯塵

其三

喜作清朝客仍稱在野臣誰能取卿相徒步起
平津幻相非真我虛名豈實賓臨流一照影無
媿白綸巾

其四

每懷少小日修禊向南瀕風詠時携友春盤薦
侍親露濡旋改歲星散久如晨今者重來地唯
餘漸老身

其五

殖學慵將落逃禪趣亦淪謾聞翻逆耳羶味尚
留脣已道無交涉還從他笑噴滄江成獨立石
見水粼粼

其六

無分圖驂駕難微振涸鱗江潭有遺老天地荷
陶釣一出呼小草長歌登白蘋燕京吾昔降慷慨
髮猶循陸平原百年歌六十時驂駕四牡入紫宮

其七

婪尾三杯酒平頭六袞人從周新甲子貞夢叶

庚寅丹頂雙禽擾班毛獨鹿馴朋予堪作壽衆

復祝靈椿

婪尾平頭見白長慶詩攝提貞孟兄楚辭予有鶴鹿常相隨

其八

諸累年來減閒游春到頻桑陰原少戀榆景亦
隨因列坐登三代中流距四隣浮生總汎宅轉
柁逐風輪

其九

錦屏圖應瑞金字軸爲珍美行誇賢哲高銜借

縉紳長生勞拜禮宰殺忍傷仁矯俗吾何敢迂
疎避苦辛

其十

判持書送老兼頰酒願神見在佳山水新來好
日辰歌清風戛玉波白月彎銀一醉遙相答知
無傲客嗔

送葉一之廣文遷順義令

共羨神明宰原高經術名長安瞻日近宛水報
春生馴鹿留官舍飛鳬覲帝京遙知臨政暇

應賦論都成

其二

芹香開講地竹潤合尊時座屢更端起舟緣戀
別遲黃雲燕塞氣赤縣漢官儀早晚承明入猶
懸江海思

送無已姪遊南雍

金陵佳麗地璧水後賢遊爾學敦清尚吾門本
素流雲峰占應夏風海快搏秋家慶還期拜高
堂有白頭

壽湯伯潤母

燕喜祈難老鴻鈞運小春蘭言垂女誠芝檢佞性
王綸五色斑瀾舊雙枝玉樹新援詩稱壽母世德本湯莘

答范穆其見投有就君借寶鑑所貴分妍
媸之句

清明非寶鑑何以辨妍媸及見長城語方驚絕
世姿鈆華都欲洗風骨獨能持試論開元際襄
陽亦我師

月夜不歸集卷一
過海藏

空門不問主隨地得安禪龍宿千年鉢禽窺一味泉能令坐竟日恍若徧諸天酒禁將寬我先應種白蓮

姚百雉自蜀來越東遊洛伽

曾餐峨嶺雪更賦曲江濤乘興泛滄海皈心見白毫萬波廻翠鷺一柱立金鼇先跡梅灣勝冰花曉色高

立秋日寄海藏

虛想清涼界仍淹熱惱場何當期解脫師許作
津梁普雨花承座驚秋竹繞堂且爲分席半相
待倚藤方

送子雲弟赴任大嵩

江鄉氣甚惡海島俗應醇我少移家計君存隱
吏身眼寬安蜃市腹果饜魚綸釀酒傳佳藥聞
多薏苡仁

九日同焦素臣費子雨孫以治劉彥嘉及

兒輩泛舟登響山

輕舠信水便重九值晴難山氣碧雲暮潭陰白
日寒草敷諸客坐菊益老人餐薄醉猶餘健登
高興未闌

送梁別駕致政還趙余嘗爲其兄太宰公
跋醫無間碑因索一通

承家傳舊笏倦宦乞初衣偶爲題輿出居然完
璧歸但成吾道是轉覺世緣微攀別敬亭暮新

霜柳漸稀

其二

第五名何減無雙衆久傾隱從運期燿師說鄭
康成千日中山醉孤吟大澤行醫間碑未泐榻
寄北鴻征

別駕師
趙夢白

至後夜過子綦兄飲

十年未暢飲茲夕罄餘歡健在貧應好情深老
更難陽回幽谷暖星映半庭寒相對霜毛影蕭
然把燭看

飲景靈兄新第

華屋歡新卜烏衣記舊遊楓林聲積老蒲水影

澄秋皓首放歌疾朱顏仗酒留醉來打瓦鼓知

是宰綿州

古綿州歌豆子山打瓦鼓

蒲上勉初姪携具早過

翳然餘水木久矣念柴荆連夕任泥飲清朝爲
解醒寒威驅避曉冬令喜逢晴感汝無何戒愧
俄寄此生

簡季方叔時過里門數月不暇爲酒詠且

將之粵西任矣因感憶季豹子馬泰符

十年非暫闊况復已逾期把袂經時久嚙杯有

約遲貴猶存舊好老自愛閒嬉却惜江頭柳長
條更贈離

其二

從昔同遊日何曾孤負春酒徒爭健浪詩社出
清新轉念俱徂跡相憐見在身河山真自遠誰
是眼中人

春暮同潘景升胡嗣玄家姪士勸泛響山

余舟名
寄流齋

公洞成小汎忽漫得佳游交意澹如水閒心直

寄流岸芳春雨逗臺蕪客星留更向虹梁度前

川一曲幽

送吳福生授業黃山

六六峰爭秀何峰置靖廬絳霞舒作帳瀑雪映
抽書弟子神僊併居人太古餘終年去塵界便
覺欲沖虛

五月初十夜雨時久旱首種不入郡方起

大獄

三農阻東作五月卜南風雨及時猶好宵傳歲

小通林歡逐鳩婦潭響激龍公爲秩靈山祀何
如楚獄空

五月十三日晴俗傳老龍生日

農家占雨候共祝老龍生是夏方憂旱今朝更
忌晴氣枯山澗渴力廢石田耕一飽仍慳計由
來不望贏

八月十四夜集寄流齋月既微陰客復先
醉追憶季豹子馬泰符輩大有青蓮悼
賀監之感獨酌成詠

臨水開蘭酌微雲綴桂輪何堪對殘客因重念
佳人氣爽波生白顏衰酒借頰祗今回棹處恍

在鑑湖濱

月邦自雲栖覲蓮師歸示竹窓二筆

雲栖東向處欲寄瓣香難相見幾回老重參一
默看社修蓮品淨筆落竹窓寒可是無多法當
前不用瞞

寄會許靈長檇李

澹漠獨行意才華衆樂推順風欲下拜朗月輒

令恩積夢依壇草遺芳寄佩蘿登樓信吾土煙
雨越江湄

其二

道德名曇礪佳盧出淨天法書什襲重佳句萬
人傳把臂期何際銷魂別有年敬亭盟在彼雲
鳥奉周旋

過西樂留齋同可大勉叔作

遊踪減多病秋色已如斯此地猶朝爽偶來非
宿期禽聲移座換竹影瞰窓垂卽爾能充供兼

鹿苑石室集

卷之四

七

饒法食施

送劭姪訪外舅高興國君翰

吾貧猶立壁爾別似無家情到深難語親應困
轉加豈宜籬挿棘定念葛繁瓜倘有東隣子微
辭未許誇

傷士訥姪

爾胡甘棄世男詎卜興門影逐鏡花散神遺篋
草存一家貧仰屋孤殯哭隣村丈客多時貴誰
爲山巨源

同勸姪過蔣莊收栗姪方持齋以三詩相

呈

近郊時可涉老圃漸能齊撲栗供兒索烹葵應
汝齋林暄猶護葉扉冷舊藩柴因諷田園作逾
深去市懷

送客舟夜有感

方在閉關後胡爲越境行石尤風四面水市月
三更我旣非屬我卿當仍喚卿扣舷惟一笑霜
冷大江橫

其二

少期進不偶退卽事躬耕本乏塵中相虛煩世上名覬因嗟兩嘵瓦合戒三成鑄錯真難悔孤燈酒獨傾

冬閨水陽大士菴訪覺一上人于心蓮閣
結制逢茲閨殘冬漸及除却疑徂儉所亦有化
人居意樹年年老心蓮夜夜舒短牀橫小閣大
地似無餘

過南禪寺舊名空相卽唐開成間之白龍

院也有石幢存

遺幢記唐號舊刹改南禪堤削傾路波開浩蕩天僧叅西蜀語客借北窓眠不必稱知識能來亦小緣

大司馬青螺郭公暨蕭夫人七十雙壽四首

甫申生降獄文武術兼神王命隆分鉞黔荒拓廣輪成功荷天地勇退偃經綸遙想螺江勝還疑渭水濱

其二

公後郭汾陽冠朝譜系詳舊勛唯靖虜新伐遂
開疆玉斧堯天遠銅標漢德長斑衣瞻袞繡家
慶拜恩光

其三

清漢下輜輶傳言織女星起居今八座會合昔
雙靈萬石策數馬諸孫帙聚螢金吾誠貴胄猶
共守韋經

其四

齊歡天錫老子告
主恩深國杖應頒玉親筵
盡散金遊仙懷笑粲學道詣從凡
介壽停鏡吹風龢鼓瑟琴

送張岸先員外服闋還 朝

新恩催北邁舊賦憶東征兼盡
君親義仍傳孝友名烟花延
禁直春草緩江程宦達無勞
祝知君薄世榮

其二

徐方功轉餽曾屬大司農五夜明光草三年長

廣雅石室集卷之二
樂鐘素絲終皎皎白璧肯容容無可裝君橐彈
冠媿莫從

答郭伏生

至

向來何盡興良晤及茲時莫更輕言別懸知勞
夢思春催花候急風約麥秋遲一諷游仙詠龍
沙識有期

七夕蒲上同弟子翼子由伯箴仲鴻可大
子傳姪旃美初無日勉叔兒都溪汎
把炬催成堰浮查不設帷忽聞歌水調偶值渡

河朔竹色澄波映蘿

曲

心雖不遠亦

自愜幽思

病中答齊越

投

會面亦不易當前
四翰時清羣雋翼衰劇一
身癰遙映人如玉新吹氣若蘭皖公青峭好江
上數峰看

六言律詩

五日獨酌

榴花冒雨雋紫蒲葉凌風嫩青五月又當五日

獨醉何如獨醒符可辟兵楚俗絲難續命湘靈
衆芳倏爾俱歇雙涕悠然乍零

石室集卷第十

十